



Broj: 01-208/12  
Vareš, 27.12. 2012. godine

**Z A P I S N I K**  
*s 1. konstituirajuće sjednice Općinskog vijeća Vareš,  
održane 29.11. 2012. godine*

Josip Malbašić – predsjedavajući iz prethodnog saziva Općinskog vijeća Vareš, na osnovu član 15. Poslovnika o radu Općinskog vijeća Vareš-Prečišćeni tekst, otvorio je 1. konstituirajuću sjednicu s početkom u 9,00 sati, u velikoj sali Općine Vareš. Pozdravio je sve prisutne i čestitao novoizabranim vijećnicima.

**Prisutni novoizabrani vijećnici:** Ismet Abdulahović, Boško Andrić, Zdravko Barkić, Dženana Bešić, Mahira Brkić, Tajiba Brkić, Almir Ciriković, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

**Odsutni – NEMA**

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, predsjednik OIK-e – Karlo Tokmačić, predsjednici političkih stranaka, poslanik u Skupštini ZDK – Fahrudin Brkić, predstavnici OSCE – Terenski ured Zenica Johanna Kisielak, Dragan Vuković i Edward Noel-Hill i predstavnici medija.

Predsjedavajući OV stavio je na izjašnjanje prijedlog dnevnog reda iz poziva za 1. konstituirajuću sjednicu OV i nakon izjašnjanja vijećnika konstatuje da je **jednoglasno usvojen s l i j e d e ć i**

*D n e v n i r e d*

1. Izvještaj Centralne izborne komisije BiH o ovjeri mandata licima koja su dobila vijećnički mandat u Općinskom vijeću Vareš i Izvještaj Općinske izborne komisije Vareš o provedenim lokalnim izborima 7.10.2012. godine.
2. Davanje i potpisivanje SVEĆANE IZJAVE od strane vijećnika s ovjerenim mandatima.
3. Izbori:
  - a) Komisije za izbor i imenovanje,
  - b) Predsjedavajućeg Općinskog vijeća Vareš,
  - c) Zamjenika predsjedavajućeg Općinskog vijeća Vareš.

### **Ad. 1.**

*(Izveštaj Centralne izborne komisije BiH o ovjeri mandata licima koja su dobila vijećnički mandat u Općinskom vijeću Vareš i Izveštaj Općinske izborne komisije Vareš o provedenim lokalnim izborima 7.10.2012. godine).*

Karlo Tokmačić – predsjednik Općinske izborne komisije Vareš, dao je kratko obrazloženje za Izveštaj koji su vijećnici već dobili u materijalu. Čestitao je novoizabranim vijećnicima i Općinskom načelniku i zaželio im uspješan rad u narednom periodu.

Nije bilo učesnika u raspravi i predsjedavajući OV zahvalio se Općinskoj izbornoj komisiji i članovima biračkih odbora na uspješno provedenim općinskim izborima.

Predsjedavajući OV konstatovao je da Vijeće primilo k znanju Izveštaj Centralne izborne komisije BiH o ovjeri mandata licima koja su dobila vijećnički mandat u Općinsko vijeću Vareš i Izveštaj Općinske izborne komisije Vareš o provedenim lokalnim izborima 07.10.2012. godine.

### **Ad. 2.**

*(Davanje i potpisivanje SVEČANE IZJAVE od strane vijećnika s ovjerenim mandatima)*

Predsjedavajući OV Josip Malbašić čitao je tekst **svečane izjave**, a svi vijećnici su zajednički dali, a nakon toga pojedinačno potpisali **svečanu izjavu**.

Vijećnici su pojedinačno potpisali i Izjavu o upoznavanju sa sadržajem i prihvaćanju Etičkog kodeksa u budućem radu.

Predsjedavajući OV čestitao je Općinskom načelniku i novoizabranim vijećnicima i zaželio im uspješno obavljanje vijećničkih obaveza.

### **Ad. 3.**

*(I z b o r i:)*

#### *a) Komisija za izbor i imenovanje*

Budući da je Poslovnikom o radu Općinskog vijeća Vareš predviđeno da Komisija za izbor i imenovanje broji po jednog vijećnika iz svake političke stranke koja je zastupljena u OV, a stranke su dostavile prijedloge svojih kandidata, što je usaglašeno na međustranačkom sastanku, predsjedavajući je Prijedlog Rješenja, kojeg su vijećnici dobili u materijalu, stavio na glasanje.

Nakon izjašnjava vijećnika konstatuje da je **jednoglasno doneseno (18 glasova „ZA“)**

#### *Rješenje o izboru članova Komisije za izbor i imenovanja*

i izabrani su:

- 1. Boško Andrić, predsjednik – HSP BiH,**
- 2. Almir Ciriković, zamjenik – SBB,**
- 3. Nikola Šimić, član – Hrvat. koal. za Vareš HDZ-HSS-NHI**
- 4. Ismet Abdulahović, član – BPS,**
- 5. Elvir Rožajac, član – Naša stranka,**
- 6. Goran Selak, član – SDP,**
- 7. Emir Islamović, član – SDA.**

Predsjedavajući OV dao je pauzu u trajanju od 30 minuta kako bi Komisija za izbor i imenovanja razmotrila prijedloge za predsjedavajućeg i zamjenika predsjedavajućeg Općinskog vijeća.

## b) Izbor predsjedavajućeg Općinskog vijeća Vareš

Izvršena je prozivka vijećnika. Prisutno 18 vijećnika.

Predsjedavajući OV je konstatovao da su svi vijećnici dobili Zapisnik sa 1. sjednice Komisije za izbor i imenovanja

Predsjednik Komisije za izbor i imenovanja – Boško Andrić izvijestio je Vijeće da predloženi kandidati za predsjedavajućeg i zamjenika predsjedavajućeg ispunjavaju uslove i da nema smetnji prilikom njihovog izbora.

Za predsjedavajućeg Općinskog vijeća Vareš predloženi su kandidati i to:

- **Zdravko Marošević, vijećnik Hrvatske koalicije za Vareš HDZ-HSS-NHI i**
- **Boško Andrić, vijećnik HSP BiH.**

Za zamjenika predsjedavajućeg OV predloženi su kandidati i to:

- **Tajiba Brkić, vijećnica SDA**
- **Mahira Brkić, SBB i**
- **Ismet Abdulahović, BPS.**

Predsjednik Komisije za izbor i imenovanja Boško Andrić izvijestio je Vijeće da je Komisija jednoglasno donijela zaključak da se predloženi kandidati za predsjedavajućeg i zamjenika predsjedavajućeg OV, prije glasanja, usmeno obrate Vijeću sa kraćom biografijom.

Predsjedavajući OV podsjetio je prisutne na član 25. Statuta Općine Vareš-Prečišćeni tekst, koji se odnosi na način glasanja (tajno ili javno) za predsjedavajućeg i zamjenika predsjedavajućeg OV.

Predsjedavajući OV stavio je na glasanje prijedlog da se Vijeće o kandidatima za predsjedavajućeg OV izjasni JAVNO, te nakon izjašnjenja vijećnika konstatuje da je sa **18 glasova „ZA“** Vijeće zaključilo da se **izbor predsjedavajućeg OV vrši JAVNIM GLASANJEM.**

Vijeću su se sa kraćom biografijom obratili kandidati za predsjedavajućeg OV Boško Andrić i Zdravko Marošević.

Predsjedavajući OV stavio je na izjašnjenje prijedlog kandidata **Zdravka Maroševića** za predsjedavajućeg OV Vareš.

Nakon izjašnjenja vijećnika predsjedavajući konstatuje da je prijedlog dobio **15 glasova „ZA“**

Predsjedavajući OV stavio je na izjašnjenje prijedlog kandidata **Boška Andrića** za predsjedavajućeg OV Vareš.

Nakon izjašnjenja vijećnika predsjedavajući konstatuje da je prijedlog dobio **3 glasa „ZA“**

Predsjedavajući OV konstatuje da je na osnovu izvršenog glasanja, **Zdravko Marošević kandidat Hrvatske koalicije za Vareš HDZ-HSS-NHI, izabran za predsjedavajućeg Općinskog vijeća Vareš.**

Josip Malbašić je čestitao i predao dužnost novoizabranom predsjedavajućem Zdravku Marošević.

Zdravko Marošević zahvalio se svima na ukazanom povjerenju sa kratkim obraćanjem i preuzeo je dalje vođenje sjednice i mjesto predsjedavajućeg Općinskog vijeća.

c) Izbor zamjenika predsjedavajućeg Općinskog vijeća Vareš

Predsjedavajući OV Zdravko Marošević stavio je na glasanje prijedlog da se Vijeće o kandidatima za zamjenika predsjedavajućeg OV izjasni JAVNO, te nakon izjašnjenja vijećnika konstatuje da je sa **18 glasova „ZA“** Vijeće zaključilo da se **izbor zamjenika predsjedavajućeg OV vrši JAVNIM GLASANJEM.**

Vijeću su se sa kraćom biografijom obratili kandidati za zamjenika predsjedavajućeg OV Tajiba Brkić, Mahira Brkić i Ismet Abdulahović.

Predsjedavajući OV stavio je na izjašnjenje prijedlog kandidata **Tajibe Brkić** za zamjenicu predsjedavajućeg OV Vareš.

Nakon izjašnjenja vijećnika predsjedavajući konstatuje da je prijedlog dobio **5 glasova „ZA“**

Predsjedavajući OV stavio je na izjašnjenje prijedlog kandidata **Mahire Brkić** za zamjenicu predsjedavajućeg OV Vareš.

Nakon izjašnjenja vijećnika predsjedavajući konstatuje da je prijedlog dobio **10 glasova „ZA“**

Predsjedavajući OV stavio je na izjašnjenje prijedlog kandidata **Ismeta Abdulahovića** za zamjenika predsjedavajućeg OV Vareš.

Nakon izjašnjenja vijećnika predsjedavajući konstatuje da je prijedlog dobio **3 glasa „ZA“**

Predsjedavajući OV konstatuje da je na osnovu glasanja, a u skladu sa Poslovnikom, **Mahira Brkić kandidatkinja SBB, izabrana za zamjenicu predsjedavajućeg Općinskog vijeća Vareš i zamolio je da zauzme svoje mjesto.**

Mahira Brkić zahvalila se svima na ukazanom povjerenju.

Vijeću se obratio i Općinski načelnik Avdija Kovačević. Pozdravio je sve prisutne i čestitao na uspješnom i kvalitetnom radu konstituirajuće sjednice. Izvijestio je Vijeće da su njegova očekivanja vrlo velika kad je u pitanju institucionalni rad Vijeća, da će insistirati na partnerskom odnosu u kome će se mišljenje svih uvažavati u punom kapacitetu i sve ono što je dobro za građane bit će prihvaćeno ma s koje strane to dolazilo. Od vijećnika očekuje da budu u funkciji svih onih obećanja i svečane izjave koju su potpisali.

Vijeću se obratio i sekretar OV Leon Pavlović i čestitao svom vijećnicima na prihvatanju mandata i obećao saradnju sa svoje strane svima onima kojima se ukaže potreba za njom. Sugerisao je vijećnicima iz starog saziva i novog saziva OV na zakonsku obavezu dostavljanja Izjava o imovinskom stanju, kako bi Stručna služba OV i ON mogla iste proslijediti CIK BiH u zakonskom roku.

Predsjedavajući OV zahvalio se svima na radu današnje sjednice i pozvao je sve predsjednike Klubova da po završetku ove sjednice održe 1. sjednicu Kolegija OV u vezi dogovora nastavka rada i održavanja 2. sjednice OV.

Sastavni dio ovog Zapisnika je audio zapis sjednice.

Sjednica je završena u 10 sati i 40 minuta.

**S E K R E T A R**

*Leon Pavlović*

**PREDSJEDAVALAČI**

*Zdravko Marošević*

**ZAPISNIČAR**

*Azra Ibrahimović*